

江油縣志卷之七

古蹟志

江油故城凡有四蜀漢置江油戍爲鄧艾伐蜀路魏志艾先登至江油是也其戍尋廢西魏分平武置江油縣爲龍州治在今府東南隋唐因之宋寶祐六年隨州移治雍村在今縣西北元至元二十一年併入龍州至正中又隨州治武都興教鎮在今縣東北明洪武初併入梓潼十四年始置縣於今治屬劍州嘉靖四十五年改歸龍安府

雍村在縣西北宋進士雍繁孫所居故名宋末嘗移縣於江油縣志

卷之七

古蹟

一

此昔里人鑿田獲一石柱有城隍廟三字因將田施入今縣城隍廟此亦舊縣之一證也

太白臺方輿勝覽在江油縣太白與江油尉往來故有臺在尉廳鑄有太白像

讀書臺有二一在縣西大匡山一在縣南點燈山皆李白讀書處山畔有松點燈山一名小匡山

洗脚臺在縣東北一百六十里昔傳二郎於此洗脚形狀宛然

介福樓在縣西土主祠內元至正中建

停驂樓在縣東十里明知縣葉自新建今廢

微風樓舊志修於道光二十年謂在縣東門外今廢嗣後
重建於江干光緒元年大水樓復圮

第一樓在火峯山龍安知府施燦題上塑有哪咤真人神
像歲旱禱雨輒應

靈祖樓在縣南中壩北堡外半里相傳建自明時咸豐十
一年焚於賊火旋即重建局勢宏敞高百餘尺仍奉靈
祖於上爲中壩鎮壓地脉

帶江樓在縣東雙河場內前湖南布政使翰林院庶吉士
劍閣李榕題

超然亭在縣北竇圖山係竇真人故蹟明萬曆推官朱仲
江油縣志

卷之七

古蹟

二

廉建康熙七年邑人楊廷傑重修有碑記舊名竇圖亭
舊志有仙遊臺遊仙臺並在圖山

感雨亭在縣南紫龍山麓明知縣余槐禱雨有應民建亭
記之今圮

點江亭在縣東五十里楊家壩養善橋側高一丈三尺許
四層

浩然亭在縣東三十五里朱櫻建

望仙亭在圖山下四川學政聶銑敏建

飛仙亭在圖山半僧本禪建

鐵瓦殿在觀霧山相傳普賢大士募建

飛來船在望仙亭側有石似船學政聶銑敏題聯其上
飛天藏在寶圖山宋淳熙八年建元至正中重葺明季兵
火惟此獨存

吏隱堂在縣署宋龍州僉判趙寰修後廢道光間知縣桂
星重建作記咸豐辛酉監逆破城燬於火今無遺蹟

桂馥軒在縣署內康熙間知縣王士穎有記咸豐辛酉燬
於火同治五年知縣鄔承楓重修軒前有老桂二株幹
聳花繁至今猶茂

古廳在縣署內康熙間知縣朱樟建取李青蓮溪雲入古
廳句知縣彭陟有詩二首後燬於火今無遺蹟

江油縣志

卷之七

古蹟

三

文筆石在縣東一百二十里天生石筍筆立巖畔高二丈
五尺許圍八尺餘隱隱有字

羅盤石雄雌各一雄徑五尺昔存衙神祠雌徑七尺今存
縣東東興場三教院中有小凹指南鍼畢具

大石礪在金龍場十二里有清泉一道昔人就地掘礪大
如方塘附近數里於此汲水

香勳寺鐘明成化二十年鑄相戒不擊擊則雞犬無聲寺
前有明時古柏五株至今不榮不彫

黃連樹在黎埡場當江梓交界處大數十圍相傳爲宋時
物乾隆間兩縣民爭之久不決欲訟於官而樹後有飛

霞洞舊塑梓潼帝君像祈禱最靈忽夜聞風雷聲震數里及旦視之樹中劈一渠頭杪如故枝葉青濃不損不枯人知爲帝神也皆驚謝之訟遂寢

大麻柳樹在中壩小東門外馬家沱街後古名鬼神椿中空可容三四席道咸間里人捐修層樓圍樹數層夏日濃陰如蓋遊人不絕咸豐十一年賊焚之枝葉雖枯樹身無損舊奉觀音甚靈今建爲觀音寺正殿樂樓兩廊環接亦煌煌大觀也

步青塔在縣東雙河場外古青庄壩同治五年建國子監學政銜舉人陳代芝撰敘

江油縣志

卷之七

古蹟

四

南雁塔在縣南八里石佛寺山尖道光癸卯知縣桂星籌建以培文風是年陶希祖得鄉舉

蜚英塔在縣東十里石家菴後山頂光緒癸巳知府蔣德鈞允士紳之請籌款創修明年張琴得翰林院庶吉士開江邑國朝二百餘年未有之奇地靈人傑固兩相需也觀此益信

匡山碑在縣西大匡山舊志刊李白出山詩其碑敘字剝蝕不全又一詩碑係明嘉靖郭文涓題

宏真觀古碑在縣南一百三十四里太華山之登真觀不載撰人姓名

唐魯國公碑在新店場東林寺殘缺不可讀

宋碑在金龍場光緒十四年生員蔡孝友家墾田得之字
多不辨後有銘詞數行皆殘缺不可讀

米元章碑在城隍廟宋米芾書李白題江油尉廳詩

寶圖山詩碑在縣東北圖山碑有二俱明嘉慶間胡直余
坤題

圖山殘碑有二一刻恬和子馬朝陽書人間天上存天上
二字一刻邑進士戴仁詩不全

重修樂靜庵碑在縣西八里明邑人辛和撰

海壇碑在寶圖山明清電道人撰

江油縣志

卷之七

古蹟

五

遊天倉洞記穴碑在縣西太乙洞明嘉靖中保寧府同知
葉松撰

明碑在火峯山嘉靖庚戌年大鶴山人高簡文書字跡髣
髴猶存其半

蛟龍碑在圖山不全

藕斷絲連碑在圖山鐵索橋下知縣劉德欽題

武功碑在縣東三十里火石埡嶺上嘉慶五年參贊大臣
德楞泰擒賊首冉添元處